

**Siunnersuut uunga: Atorfeqarnermut pissutsit Atorfeqarnermut
uppersaasarnermut inatsimmi ilaangitsut pillugit Namminersorlutik Oqartussat
nalunaarutaat**

Sulisitsisup sulineramik inuussutissarsiuteqartumik atorfeqarnermi atugassarititaasut pillugit ilisimatitsisussaananeranut Inatsisartut inatsisaat nr. 16, 21. november 2022-meersumi (Atorfeqarnermut uppersaasarnermut inatsimmi) § 1, imm. 7 naapertorlugu aalajangersarneqarpoq:

Kapitali 1

Siunertaq

§ 1. Nalunaarutip atorfeqarnermi pissutsit ilaanniinnakkut imaluunniit immikkut ittumik pisoqartillugu, atorfeqarnermut uppersaasarnermut inatsimmi ilaatinneqanngitsut, pillugit aalajangersarnissai siunertarivaa.

Kapitali 2

Ilaanniinnakkut sulineq

§ 2. Atorfeqarnermi pissutsit tulluuttut ilaanniinnakkut suliffeqarnertut, atorfeqarnermut uppersaasarnermut inatsimmi ilaatinneqanngitsut, isigineqassapput, taamattoq tak. imm. 2.

1) Pisariaqarfikkut taartaasoq/taartaasoq aggersarneqartussaq piffissamik suliffissamik aalajangersimasumik isumaqatigiissuteqanngitsoq, pisuni tulluuttuni sulisitsisumit suliartoqquneqarsinnaasoq:

a) sulisut aalajangersimasut naatsorsuutiginnisamik sulinngitsoorneranni, assersuutigalugu napparsimanermut atatillugu, imaluunniit

b) pisuni, suliasat annertussusaat, sulisunit aalajangersimasunit isumagineqarsinnaasut nalinginnaasuniit, annertusinerisigut.

2) Atorfeqarnermi pissutsit, suliasat pisunut ataasiakkaanut tunngatillugit ataqatigiippata.

Imm. 2. Imm. 1-imi allaqqagaluartoq, atorfeqarnermi pissutsit, sulisartoq katillugu piffissami qaammatini arfinilinni minnerpaamik sapaatit akunnerini aqqaneq-marlunni sulisitsisumi tassani suliasanik isumaginnippat, aamma sapaatit akunnerini aqqaneq-marlunni taakkunani sapaatip akunneranut agguaqatigiissillugu minnerpaamik nalunaaquttap akunneri 15-it sulisarpat, Atorfeqarnermut uppersaasarnermut inatsimmi ilaatinneqassapput.

Kapitali 3

Immikkut ittumik sulineq

§ 3. Atorfeqarnermi pissutsit tulluuttut immikkut ittumik sulinertut isigineqassapput, atorfeqarnermut uppersaasarnermut inatsimmi ilaatinneqanngitsut, taamaattoq tak. imm. 2:

23.05.2025

1) Atorfeqarnermi pissutsit, sulinerup annertussusaa kiisalu piffissamik suliffiusumik agguataarineq inissisimaffillu pillugit siumoortumik ilisimanissaannik takutitsisinnaanngitsut, tassunga ilanngullugit:

a) Usilersorneq usingiarnerlu.

b) Upalungaarsimanermut qatserisartutullu akissarsiaqarluni sulineq.

c) Aalajangersimasumik suliaqarneq, piumaneqarneq malillugu inniminiiisoqarnera taamaallaat malillugu sulineq, tassunga ilanngullugu angalanermut nassuiaassisoq.

2) Ukiup ilaatigut sulineq, tassunga ilanngullugit:

a) Silap pissusia malillugu sulineq, ukiup ilaatigut sulisarnertut isigineqarsinnaasoq, tassunga ilanngullugu qimusserartitsisoq.

b) Ornigulluni sulineq, silap nunallu pissusai malillugit naammassineqartussaq.

Imm. 2. Imm. 1-imi allaqqagaluartoq atorfeqarnermi pissutsit, sulisartoq katillugu piffissami qaammatini sisamani minnerpaamik sapaatit akunnerini aqqaneq-marlunni sulisitsisumi tassani suliassanik isumaginnippat, aamma sapaatit akunnerini aqqaneq-marlunni taakkunani sapaatip akunneranut agguaqatigiissillugu minnerpaamik nalunaaquttap akunneri 15-it sulisarp, Atorfeqarnermut uppersaasarnermut inatsimmi ilaatinneqassapput.

Kapitali 4

Atortuulersitsineq

§ 4. Nalunaarut atuutilerpoq ulloq 15. juli 2025.

Ikaarsaarnermi aalajangersakkat

§ 5. Piffissamik naatsorsuineri, tak. §§ 2 3-lu 1. juli 2025 tassaassaaq aallartiffissatut isigineqartussaq.

Namminersorlutik Oqartussat, ulloq x. xx 2025